



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM
Administrativna komisija
Broj: 01/7-011-637/01
Sarajevo, 17.10.2001.

Bosna i Hercegovina
PARLAMENTARNA SKUPŠTINA
BOSNE I HERCEGOVINE
SARAJEVO

Prijeto: 17.07.2002			
Org. jed	Broj	Prilog	Vrijednost
01/7	-011-637/01		

Z A P I S N I K

5. sjednice Administrativne komisije Zastupničkog doma, održane 16. oktobra 2001.

Sjednica je počela s radom u 13 sati.

Sjednici su prisustvovali Sead Avdić, predsjedavajući, Mariofil Ljubić, zamjenik predsjedavajućeg, Mirko Banjac, Adem Borić, Branislava Ferzanović, Amor Mašović i Zdenko Vukić, članovi Komisije i Vedran Hadžović sekretar Zajedničke službe.

Izostanak su opravdali Branislav Lolić i Franjo Majdandžić.

Za sjednicu je predložen i usvojen sljedeći

D n e v n i r e d:

1. Usvajanje zapisnika 4. sjednice Administrativne komisije
2. Izvještaj o izvršenju Budžeta institucija Bosne i Hercegovine za Parlamentarnu skupštinu Bosne i Hercegovine u periodu januar-juni 2001.;
3. Prijedlog rebalansa Budžeta institucija Bosne i Hercegovine i međunarodnih obaveza za 2001.;
4. Prijedlog zakona o izmjenama i dopunama Zakona o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2001.
5. Razno

Ad.1. Usvajanje zapisnika 4. sjednice Administrativne komisije

Komisija je jednoglasno usvojila Zapisnik 4.sjednice održane 25. jula 2001.

Ad.2. Izvještaj o izvršenju Budžeta institucija BiH za Parlamentarnu skupštinu Bosne i Hercegovine u periodu januar-juni 2001.

U raspravi su sudjelovali Sead Avdić, Mirko Banjac, Adem Borić, Amor Mašović, Zdenko Vukić, Mariofil Ljubić i Vedran Hadžović.

Ocijenjeno je da se, s obzirom na povećanu aktivnost Parlamentarne skupštine i njenih komisija i tijela, sredstva koriste uglavnom u okviru planiranih.

Ukazano je na potrebu da se neke stavke u kojima je došlo do prekoračenja (putni troškovi, ugovor o djelu, ostale obaveze i troškovi) analitički razrade. Na taj način moći će se utvrditi ko, koliko i iz kojih razloga troši više sredstava i zauzeti stavovi o racionalnijem odnosu u ovim vidovima potrošnje. Služba zajedničkih poslova će dostaviti Komisiji analitički prikaz navedenih troškova, uz navedene prijedloge, Izvještaj je jednoglasno usvojen.

Ad.3. Prijedlog rebalansa Budžeta institucija BiH i međunarodnih obaveza BiH za 2001.

Nakon rasprave u kojoj su sudjelovali svi članovi Komisije zaključeno je:

- Upitna je osnovanost zahtjeva za novim značajnim sredstvima u rebalansu Budžeta u uvjetima kada finansijsko stanje u entitetima nije dobro;

- Zahtjeve korisnika Budžeta svesti na razumnu mjeru, pri čemu kao pozitivan primjer može služiti racionalan odnos Parlamentarne skupštine Bosne i Hercegovine. Zahtjevi za rebalans nekih korisnika (Predsjedništvo BiH, Regulatorna agencija za komunikacije i dr) su enormno visoki, dok nema objašnjenja za restriktivan odnos prema Uredu za reviziju finansijskog poslovanja;

- Analitički razmotriti stavke kod pojedinih korisnika, a koje se odnose na tekuće izdatke i ugovorne usluge (radi se o desetinama miliona KM), kao i za obnovu voznog parka. Predlaže se njihovo smanjenje ili odlaganje realizacije za narednu budžetsku godinu;

- Potrebno je svim korisnicima Budžeta skrenuti pažnju na nužnost odlaganja – ulaganja za kapitalne zadatke, na maksimalnu štednju i nemogućnost povećanja plaća;

- Ni u budžetu, ni u rebalansu Budžeta nema stavke za financiranje vrhunskog sporta u Bosni i Hercegovini što bi u prijedlogu za sljedeću godinu trebalo da bude planirano;

- Da se o ovim ocjenama i stavovima upoznaju relevantni faktori, Komisija za financije i Budžet Zastupničkog doma i Komisija za administrativne i finansijske poslove Doma naroda Parlamentarne skupštine bosne i Hercegovine.

- Predloženo je da se u utorak, 23.10. u 14 sati o.g. održi zajednička sjednica sa Komisijom za financije i Budžet Zastupničkog doma na kojoj bi se razmotrila pitanja vezana za Prijedlog rebalansa Budžeta.

Ad.4. Prijedlog zakona o izmjenama i dopunama Zakona o izvršenju Budžeta institucija BiH i međunarodnih obaveza za 2001.

Uvodne napomene dao je Sead Avdić. U raspravi nije niko sudjelovao. Prijedlog su članovi Komisije jednoglasno usvojili

Ad.5. Razno

- Zahtjev zastupnika Muhameda Begovića za stupanje u radni odnos u Parlamentarnoj skupštini Bosne i Hercegovine jednoglasno je usvojen.

- Jednoglasno je usvojen zahtjev zastupnika Abdurahmana Malkića da mu se plati zakup stana u iznosu do 500 KM mjesečno.

Vedran Hadžović je aktuelizirao pitanje službenih stanova koje je koristila Skupština SR BiH. Zaključeno je da se s tim u vezi organizira razgovor kod predsjedavajućeg Komisije i predstavnika nadležnog ministarstva.

Sjednica je završila rad u 15 sati.


PREDSJEDAVAJUĆI
dr. Sead Avdić
Sead Avdić